

Ա. Բ. Ավագյան

ԱՐԵՎՍՈՒՏՔԻ ԱՌԱՋԱՎՈՐ ԳՐՈՂՆԵՐԸ ՖԱՇԻՋՄԻ ԴԵՄ

Ֆաշիզմը իմպերիալիզմի նեխման գագաթն է։ Այն երկրները, ուր հաստատվել է ֆաշիզմը, դարձել են դժոխավայր։ Գերմանիան ինքը մի բանտ է, համակենտրոնացման ճամբար։

Ֆաշիզմ ասելով հասկացվում է միայն սով, աղքատություն, բարբառություն ու պատերազմ։ Ֆաշիզմը դեմ է գնում պատմության առաջընթացին, նա ժողովրդին մղում է դեպի հետ, դեպի միջնադար։ Չափազանց ծանր կացություն են ապրում ֆաշիստական Գերմանիայի, ինչպես և ագրեսիայի ենթարկված երկրների աշխատավոր ժողովուրդները։ Ամենագործածական ու ամենաէթան բանն անգամ դժվարություններ են գտնում ֆաշիզմի ձիրաններում տառապող աշխատավոր ժողովուրդները։ Բավական է ասել, որ գերմանական դուռը, աղ չունենալու պատճառով, ձկան տակառներն է եռացնում աղ ստանալու համար, իսկ լուցկի չգտնելով, ամիսներ շարունակ նա կրակը թաղում է մոխրի տակ, ինչպես անում էր նախամարդը։ Այդ ծանր կացության մասին ստիպված խոստովանում է նաև ֆաշիստական մամուլը։ Ֆաշիստական բանտերում, համակենտրոնացման ճամբարներում խոշտանգվում, հաշմանդամանում և մեռնում են ժողովրդի լավագույն զավակները։ Միջնադարյան բարբարոսություններն աղոտանում են ֆաշիզմի տրամադրի, գազանային արարքների հանդեպ։ Ֆաշիզմը հողոտում է բոլոր նրանց, ովքեր բողոքի ձայն են բարձրացնում անարդար կարգերի դեմ։

Գեստապոյի բանտերում բռնի կերպով թուլյն են սրսկում հակաֆաշիստներին, կտրում են կենդանի մարդկանց ձեռքերը, ջրահեղձ են անում նրանց, խորաններով կամ սրի ծայրերով բանտարկյալի կենդանի մարմնի վրա փռում են ֆաշիստական սվաստիկան։

Թվական տվյալները ցույց են տալիս, որ ֆաշիզմի տիրապետության կարճատև շրջանում, չհաշված նրա կողմից կազմակերպված պատերազմի դաշտում զոհվածների քանակը, կյանքի վատթար պայմաններում, բանտերում և աքսորավայրերում ավելի շատ մարդ է ոչնչացել, անհետ կորել ու հաշմանդամացել, քան պատմության որևէ ժամանակաշրջանում։

Ֆաշիզմը, խավարամոլության այդ թագավորությունը, թքում է մարդկության դարավոր կուլտուրայի վրա, ոչնչացնում է այն, իսկ դիմելով կուլտուրայի պատմությանը, խարդախում, կեղծում է Գյոթեի, Շիլլերի, Ֆիխտեի, Հեգելի ստեղծագործությունները։ Անցյալի հսկաները ֆաշիստական «գրականագիտություն» մեջ դառնում են գաճաճներ։ Ֆաշիզմն անցյալից վերցնում է ամենառեակցիոն գրողներին։ Իսկական դիտության ու բա-

նախանության փոխարեն առաջ է քաշվում զոդովորական, ռասայական ցըն-
դաբանությունը: Գերմանական ռասայի համաշխարհային տիրապետության
հաստատումը աշխարհի բոլոր ժողովուրդների վրա — այս է Ֆաշիզմի «թեո-
րիայի» ուղին ու ծուծը: Ֆաշիզմը կուլ է տալիս Արեմուտքի փոքր ժողովուրդ-
ներին, ումանց բռնության ու արքան մեջ խեղդելով, ումանց իր ցեղակիցը
համարելով՝ ծառայեցնում է իրեն թնդանութի միս: Ֆաշիստական դավրոցնե-
րում պատանիներին սովորեցնում են գրքի փոխարեն սուր ունենալ, իմանալ
մարդ սպանելու «արվեստը»: Սովերեցնում են «արիական», «ոչ արիական»,
«մաքուր» և «ոչ մաքուր» արյան «թեորիան»: Ֆաշիստ «գիտնականները»
ռասայական «թեորիան» ապացուցելու համար դիմում են այնպիսի զա-
վեշտական միջոցների, ինչպիսին են մեզի և մյուս սեկրեցիոն գեղձերի ար-
տադրանքների լաբորատոր անալիզը: Առաջնորդվելով այդ թեորիայով, ֆա-
շիզմը հալածում է իր տիրապետության տակ գտնվող հրեա, չեխ, լեհ, հուլյն,
սերբ, բելգիացի և ուրիշ փոքր ժողովուրդներին: Արտասահմանից Մոսկվա
վերադարձած սովետական մի խումբ ինժեներներ ՏԱՍՍ-ի թղթակցի հետ
ունենցած իրենց զրույցում պատմում են Հիտլերի գազանանոցում հալածվող
ժողովուրդների մասին: Բոլոր հրեաներն իրենց թևերին պետք է գրած
ունենան «Հ» (հրեա) տառը: «Հրեաներին թուլատրվում է խանութ մտնել
միայն երեկոյան ժամը 5-ից հետո» — գրված է նրանց խանութների ճակա-
տին — այն ժամանակ, երբ խանութներում ոչինչ չի գտնվում: Նրանց ար-
գելվում է երթևեկել տրամվայներով և ավտոբուսներով: Հրեաներին ար-
գելվում է մտնել հասարակական զբոսավայրերը: Այգիների անկյուններում
գրված են նստարաններ, որոնց վրա գրված է «Հ» (հրեա). հրեաներին
թույլատրվում է նստել միայն դրանց վրա:

Ֆաշիստ բարբարոսները գրադարաններից հանում և հրի ճարակ են
դարձնում բոլոր ուրիշ ժողովուրդների ստեղծագործությունները: Կուլտու-
րայի այդ վանդալները հրի ճարակ են դարձնում հանճարեղ Հայների գրքերը,
փշրում են նրա արձանը:

Ոճիկների արքա Հիտլերը հալածանքի ու աքսորի է դատապարտում
գերմանական ժողովրդի այնպիսի զավակներին, ինչպիսին են Վիլլի Բրեդելը,
Հ. Բեխերը, Էրնի Գլեզերը, Էգոն Էրվին Կիշը, Էմիլ Լյուդվիգը, Հենրիխ Ման-
նը և այլն, արգելում է նրանց գործերի տպագրությունը: Ֆաշիստական
Գերմանիայի գրականությունն ապրում է խայտառակ անկում: Իսկական
կուլտուրայի փոխարեն բորբոսնում է այնտեղ նացիոնալիզմի և միլիտարիզ-
մի «կուլտուրան»:

Գեոթեի, Հեգելի, Բեթհովենի, Շիլլերի հայրենիքի կուլտուրան, գիտու-
թյունը զարգանում են ֆաշիստական Գերմանիայից դուրս: Սակայն Հիտ-
լերի խարույկներն անգոր են այրելու մեծ գաղափարները: Հիտլերը չի կա-
րող բանտարկել ու սպանել արևը, այդ արևը Մարքսի-Էնգելսի-Լենինի և
Ստալինի ուսմունքն է, որի ճառագայթները թափանցում են ամեն տեղ:
Գերմանական հայտնի գրող Հենրիխ Մաննը կուլտուրայի պաշտպա-
նության միջազգային կոնգրեսում ֆաշիստների մասին ասել է, որ ֆաշիզ-
մը պայքարում է այն ամենի դեմ, ինչ ստեղծել է պատմությունը, և այն
ամենի դեմ, ինչ ստեղծվել է վերջին շրջանում. «Նրանք ցանկանում են

տապալել և ոչնչացնել մարքսիզմը,—ասում է Հենրիխ Մաննը,—սակայն մարքսիզմը անմերձեհալի է հիմարների համար և մոտ է այն ժամը, երբ մարքսիզմը կտապալի հիմարների տիրապետությունը»:

*
* * *

Առաջին իմպերիալիստական պատերազմի տարիներից սկսած՝ ուժեղ վերելք է ապրում Արևմուտքի ուսուցիչ գրականությունը: Ֆաշիստական սե սվաստիկայի տիրապետության բռնության ճնշման ներքո ծնունդ է առնում և զարգանում Արևմուտքի պրոլետարիատի, աշխատավոր ու առաջավոր մարդկության առաջադեմ գրականությունը:

Ռևոլյուցիոն, հակաֆաշիստական գրողներն իրենց ստեղծագործություններում պատկերում են Ֆաշիզմի ողջ ժահրահոսությունը: Այդ գրողները ոգեշնչված սոցիալիզմի մեծ գաղափարներով, հայացքները հառել են աշխարհի մեկ վեցերորդ մասին, այն երկրին, որտեղ տիրում է ազատություն, հավասարություն և երջանկություն: Ազգերի եղբայրական մեծ ընտանիքում ծաղկում է կուլտուրան, ծաղկում է գիտությունը: Արևմուտքի ուսուցիչ գրողներն իրենց ստեղծագործություններում ուսուցիչական գույներով են պատկերում հիտլերյան ժամանակաշրջանի մռայլ իրականությունը և այն վառվռունքը, որ կա մեզ մոտ, որ պիտի լինի մոտ ապագայում՝ ամբողջ աշխարհում:

Մեր երկիրը ոգեշնչում է Արևմուտքի ուսուցիչ գրողներին, որպես փարոս, լուսավորում է նրանց ուղին: «Մեզ բոլորիս համար,—գրում է Ջոն Ստրեչին,—որ ապրում ենք կապիտալիստական աշխարհում, ՍՍՌՄ-ն մի փարոս է, որ լուսավորում է դեպի պրոգրեսը տանող ուղին: Ամեն տարի ավելի ու ավելի պայծառ է վառվում այդ փարոսը: Մենք հետևում ենք ՍՍՌՄ-ի ժողովուրդների գործունեությանը: Մենք խորապես սքանչանում ենք նրանց հաջողություններով, տեսնում ենք, թե ինչպես մեկը մյուսի հետևից նրանք հաղթահարում են իրենց ուղու վրա եղած դժվարությունները: Նրանք անշեղորեն գնում են դեպի առաջ»¹:

Իսկ դանիացի կին գրող Կարին Միխայելսը խոսելով համաշխարհային կուլտուրայի հայրենիքի — ՍՍՌՄ-ի մասին, կուլտուրայի պաշտպանության միջազգային կոնգրեսում ասել է. «ՍՍՌՄ-ն երոպական մտքի մշակների հավատք, ուժ և եռանդ է տալիս այն պայքարում, որ մղում են նրանք ամբողջ աշխարհին սպառնացող ֆաշիստական բարբարոսության դեմ»:

20-րդ դարի այգաբացին խավարի Ֆոնի վրա բարձրանում են երեք վիթխարի դեմքեր — Մաքսիմ Գորկի, Ռոմեն Ռոլան և Հանրի Բարբյուս:

Մաքսիմ Գորկին հակայական ազդեցություն ունեցավ Ռ. Ռոլանի և Հանրի Բարբյուսի վրա: Նրանց ստեղծագործության ու պայքարի նպատակահետքը նույնպես ժողովուրդների երջանիկ կյանքն է. «...Իմ արմատները հանդիպեցին Գորկու արմատներին,—գրում է Ռոլանը,—և նրանք եղբայրաբար հյուսվեցին իրար»: Ռ. Ռոլանը հետևելով Գորկուն, գալիս է այն եզրակացության, որ «ժողովուրդը սկիզբներից սկիզբն է»: Ռ. Ռոլանի պայ-

¹ „Интернациональная литература“ № 11, 1938 г.

քարոզչ հոգին ծնեց կենսունակ, լավատես, լավագույն գաղափարների արտահայտող, կյանքի սև մղձավանջի դեմ ընթացող, ստեղծագործող ու մահն սպանող տիպերի մի պատկերասրահ:

Դեռևս համաշխարհային պատերազմի ժամանակ, երբ Գերմանիայի կայսերական զորքերն արշավել էին անուշ Բելգիան, ավերում ու ոչնչացնում էին Լուվրի գեղարվեստական հարստությունները, Հաուստմանը ջատագովում է այդ բարբարոսությունը: Ռ. Ռոլանը կշտամբելով Վերսալին, վերջինիս հղած նամակում գրում է. «Ճակատագրի հետ չկապենք մեզ, Վերսալն, լինենք ճնշվածների հետ, բոլոր ճնշվածների հետ, որովհետև ամեն տեղ էլ ճնշվածներ կան»: Ըստ Ռոլանի՝ կա միայն երկու դասակարգ—«մեկն այն է, որ ճնշված է, մյուսն այն է, որ ճնշում է», և կոչ է անում լինել առաջինների հետ, զուրս գալ իմպերիալիզմի ու պատերազմի դեմ:

Հոկտեմբերյան ռեվոլյուցիայի նախօրյակին լույս են տեսնում Հ. Բարբյուսի «Կրակ»-ը, Կուլտյուրեի «Չինվորների պատերազմը» և ուրիշ գործեր:

Բարբյուսի «սարսափելի և ուրախ գիրքը» (Գորկի) ուղղված է պատերազմի հրձիգների դեմ: Դե կապիտալը պատերազմի դաշտ է քշել զանազան ազգերի աշխատավոր զավակներին, որոնք ոչնչացնում են իրար՝ թաղվելով երկաթի կտորների հեղեղի ու ցեխի մեջ: Բայց և այնպես, կեղտի ու արյան սև ֆոնի վրա բոցկլտում են մասսաների գիտակցության կրակները, մասսաները հասկանում են, որ մի կողմի հաղթանակը ոչ մի արդյունք չպետք է տա, որ պատերազմին վերջ տալու համար հարկավոր է ամբողջ պրոգրեսիվ մարդկության պայքարը պատերազմի դեմ: — «... Հերոսներ ենք մենք, մի տեսակ արտակարգ մարդիկ: Ո՛չ: Մենք դահիճներ ենք եղել, պատվազուրկ կերպով կատարել ենք դահճի արհեստը: Բայց մենք այդ արհեստը նորից կբանեցնենք, որովհետև չափազանց կարևոր է այն՝ պատերազմը պատժելու և խեղդելու համար»: Արթնանում է հազար-զլխանի մասսայի գիտակցությունը—եղբայրաբար միանալու, ընդհանուր ուժ կազմելու համար: Խավար ամպերի միջից փայլատակում է լույսը, բայց թախծալի և խղճուկ. կարծես թե, նա էլ մտածկոտ է մասսայի նման. «Լույսի այդ գիծը, որքան էլ տխրամած, դժգույն ու աղոտ լինի, այնուամենայնիվ ապացույց էր, թե արևը գոյություն ունի», այսպես է վերջացնում իր գիրքը Բարբյուսը:

Գերմանիայում, Ֆրանսիայում, Իտալիայում, Անգլիայում, Ամերիկայում և ուրիշ երկրներում առաջավոր գրողները պայքարի մի ընդհանուր ձևաօտ են կազմում ֆաշիզմի դեմ, շովինիզմի, ռասսայականության ու պացիֆիզմի դեմ: Ռոմեն Ռոլանի ճառերն ու կոչերը, Բարբյուսի մեղադրանքներն ու հողվածները մերկացնում են ֆաշիզմի մարդակեր քաղաքականությունը և համայն մարդկության մեծագույն հույսը գտնում են «մարդկության առաջադիմության հենարան» ՍՍՌՄ-ի մեջ: Արևմուտքի գրողները ոչ միայն պայքարում են ֆաշիզմի դեմ, այլև իրենց ստեղծագործություններով մասնակցում են սոցիալիզմի կառուցման մեծ գործին, նյութ ընտրելով մեծ լեհիկի և Ստալինի կերպարը, կարմիր Մոսկվան, մեր սոցիալիստական շինարարությունը (Հ. Բարբյուս—«Մտալին», Ի. Բեխեր—«Հնգամյակ» և այլն): «Ֆաշիզմը,—գրում է Ռոմեն Ռոլանը,—դա վերջին ցնցումն է, գուցե մահա-

ցու ցնցումը կապիտալիստական ռեակցիայի: Ամբողջ ժահրահոտությունը ներկաված ռեժիմի, որը թունավորում է քաղաքական կյանքը և ամբողջ պետական օրգանիզմը: Իմպերիալիզմը, նացիոնալիզմը, ռասիզմը, դադու-թային բանդիտիզմը—սրանք բոլորը հրեշային ձևեր են, փտած աֆերիս-տություն նողկալի իդեոլոգիայի, որը գործի է դրված տասնապատկված ձևերով: Եղեք զգաստ, այս կոչն ուղղում եմ ամբողջ աշխատավորությանը, պրոլետարիատի միլիոնավոր ձեռքերին ու մտքին, որը մնում է հավատարիմ ինքն իրեն, այսինքն՝ պրոլետարիատի գործին: Այս կոչն ուղղում եմ ռե-լուցիոն գրողներին և արվեստագետներին: Պայքարը ֆաշիզմի և մեր միջև ոչ թե կյանքի, այլ մահվան համար է: Հիշենք Վոլտերի խոսքերը՝ «Ջար-դենք այդ զազրելիներին»¹: Իսկ ՍՍՌՄ այցի գալուց հետո (1935 թ.) հիա-ցած մեր երկրի վերելքով, ընկեր Ստալինին հղած իր նամակի մեջ գրում է. «Ես մեկնում եմ այն խորը համոզումով, որ ես նախագգում էի այստեղ գալով—որ միակ իսկական համաշխարհային առաջադիմությունն անխղի-ժորեն կապված է ՍՍՌՄ-ի ճակատագրի հետ, որ ՍՍՌՄ-ն պրոլետարական ինտերնացիոնալ հրաբուրք օջախ է հանդիսանում, որպիսին պետք է դառնա և կդառնա ամբողջ մարդկությունը, որ ամեն երկրի պարտքն է պաշտպա-նել այդ երկիրը նրա վերելքին սպառնացող բոլոր թշնամիներից»²:

ՍՍՌՄ-ի հաղթանակի ամեն մի տարին ոգևորում ու խնդությամբ է լրց-նում բոլոր առաջավոր մարդկանց սրտերը, նրանք ապրում են մեր վերելքով և ցանկանում են էլ ավելի նրա բարգավաճումն ու ծաղկումը, որովհետև մեր եր-կիրն առաջնորդում է աշխարհի բոլոր ժողովուրդներին: «ՍՍՌՄ-ն մի ելակետ է ու հենարան ֆաշիզմի դեմ մղվող պայքարում»³,—գրում է Մ. Ա. Նեքսեն:

Ռոմեն Ռոլանը ողջունելով ՍՍՌՄ-ի քսան տարին, գրում է. «... Դուք, սովետական ընկերներ, բարձրացրիք ջահը, որ ընկել էր մեր ձեռքից, և ձեր մեծ Լենինի ձեռքում, որ վառեց բոցը, ազատության լույսը փայլատա-կեց ամբողջ աշխարհում: ...Նոր աշխարհը, որի մասին երազում էինք մենք, այժմ կառուցում եք դուք: Ողջունյ Ստալինին. ստեղծագործողին և ձեզ բոլորիդ, միլիոններիդ, որ կառուցում եք ազատ ու հավասար, բոլորի բա-բօրության համար կատարվող, բոլորի աշխատանքի հպարտ խնդությամբ լի բոլոր ժողովուրդների պրոլետարական մեծ միությունը: Այժմ, չնայած վերջին տարիների արյունալի ստվերներին, երբ մնացած աշխարհում մկսվեց ժողովուրդների մահացու պատերազմը ֆաշիզմի դեմ, ձեր օրինակը և հավատ-քը ՍՍՌՄ-ում առաջնորդում են ժողովուրդներին: Ձեր հուժկու ամբու-թյունը, որ բարձրանում է եվրոպայի և Ասիայի վրա, նրանց համար ծա-ռայում է որպես հենարան»⁴:

Այն պատերազմը, որ մղվում է արյունաբերու ֆաշիզմի դեմ, ար-գարացի պատերազմ է բոլոր ռեուլուցիոն գրողների համար: Լենինյան-ստալինյան լոզունգը՝ իմպերիալիստական պատերազմը վերածել քաղաքա-ցիական պատերազմի՝ մեծ արձագանք է գտել Արևմուտքի գրողների մեջ.

¹ «Գրական թերթ» № 20, 1934 թ.:

² „Литературная газета“, № 41, 1935 г.

³ „Интернациональная литература“, № 11, 1937 г.

⁴ Նույնը:

նրանք իրենց բոլոր գեղարվեստական գործերով ծառս են եղել անարդարացի պատերազմի դեմ, ֆաշիստական դատարանի բարբարոսություն դեմ: Բարբյուսի «Կրակ»-ը, Պ. Վ. Կուսյուրեի «Զինվորների պատերազմը», «Արձակուրդում», Վ. Բրեդերի «Փորձությունը», Մալրոյի «Մարզկային վիճակը» և այլն, այս բոլորի կլասիկ օրինակներն են հանդիսանում:

Ըստ նրանց՝ հարձակվել ՍՍՌՄ-ի վրա, նշանակում է հարձակվել ամբողջ աշխարհի կուլտուրայի ու գիտությունից վրա, որովհետև ՍՍՌՄ-ն է հանդիսանում մարզկային ողջ կուլտուրայի իսկական ժառանգորդն ու կրողը, ՍՍՌՄ-ն է հանդիսանում գիտություն ծաղկման հայրենիքը: Եթե ֆաշիզմը կրակի ճարակ է դարձնում մարզկային առաջադիմական մտքի արդյունքները, փշրում է արվեստի սքանչելի կոթողները, հանճարեղ ստեղծագործողների արձանները, ապա ՍՍՌՄ-ում մշակվում, ուսումնասիրվում ու հազարավոր տիրաժներով տարածվում են այդ գրքերը, կանգնում են արվեստի նոր կոթողներ ու արձաններ՝ մտքի մշակների հիշատակին: «Կոմունիզմն ու կուլտուրան»,—ասել է հոլանդացի ռեդուցիոն գրող Ժեֆ Լաստը կուլտուրայի պաշտպանությունից միջազգային կոնգրեսում,—«իրարից անբաժանելի են, ինչպես ֆաշիզմը բարբարոսությունից և պատերազմից»:

Ֆաշիզմը ոչնչացնում է փոքր ազգերի կուլտուրան, իսկ ՍՍՌՄ-ում ծաղկում է ձևով ազգային, բովանդակությամբ սոցիալիստական, մեծ գաղափարների, մեծ կուլտուրան: Նույն կոնգրեսում Հ. Բարբյուսը խոսելով, թե ինչպես ֆաշիզմը ոտնատակ է անում մարզկային մտքի գեղեցիկ պտուղները, հալածում է մտքի մարզկանց, խեղդում է փոքր ազգերի կուլտուրան, ՍՍՌՄ-ի մասին ասել է. «Մենք այնտեղ տեսնում ենք բոլոր ազգային կուլտուրաների տոհմն ու հաղթանակը»:

ՍՍՌՄ վրա գերմանական ֆաշիզմի կատարած ավագակային հարձակումից հետո, ավելի ցասուկանալից ու մարտունակ է դառնում գրչի ու մտքի մարզկանց պայքարը ֆաշիզմի դեմ: Գրողներից շատերը կոչ են անում աշխարհի բոլոր առաջավոր գրողներին՝ թողնել գրիչը և զենքով պայքարել ֆաշիզմի դեմ՝ ՍՍՌՄ-ը պաշտպանելու համար: «Պայքարի ներկա էտապում»,—գրում է Վայան Կուսյուրեն, —«ռեդուցիոն գրողները և արվեստագետներն ուզում են լինել միայն շարքային մարտիկներ: Նրանց համար պատիվ է լինել այն մարզկանց շարքերում, որոնց ֆաշիստական մամուլը չի զլանա անվանել «խուլիգաններ» և «մուլթ էլեմենտներ բանվորական արվարձանից»¹:

Ռեկուլցիոն բոլոր գրողները ճշմարտացի կերպով գնում են այն խնդիրը, որ մարդու շահագործումը մարդու կողմից կարող է վերանալ միայն այն ժամանակ, երբ կկործանվի իմպերիալիզմի վիժվածք ֆաշիզմը: Ազատություն, խաղաղություն երբեք չի կարելի պատկերել առանց Հիտլերի կործանման: Ահա թե ինչ է ասում Վ. Բրեդերը այդ մասին. «Եթե պետք է ժողովուրդների միջև խաղաղությունն ամրանա, ապա Հիտլերը պետք է տապալվի: Եթե պետք է նվաճվի գերմանական ժողովուրդի ազատությունը, ապա Հիտլերը պետք է տապալվի: Որպեսզի վերացվի մարդու շահագործումը մարդու կողմից, ապա Հիտլերը պետք է տապալվի: Որպեսզի գերմանական

¹ «Գրական թերթ», № 20, 1934 թ.:

ժողովուրդը և մյուս ժողովուրդները կարողանան գոյություն ունենալ, Հիտլերը պետք է տապալվի»¹։ Ոչինչ չխնայել ֆաշիզմը ջախջախելու համար, ամեն մի օրինավոր և առաջավոր մարդ, որի համար թանգ է մարդկային կուլտուրան և ինքը՝ ստեղծագործող մարդը, «խոսքով ու գործով, գրչով և զենքով, մինչև արյան վերջին կաթիլը» (Բարտա Լասկ) պետք է դուրս գա ընդդեմ ֆաշիզմի և կանգնի ՍՍՌՄ-ի կողմը։

Արևմուտքի բոլոր ռեյուցիոն գրողները կանգնած են ՍՍՌՄ-ի կողմը, որովհետև, ինչպես ասում է Լ. Ֆոյխտվանգերը, «ողջ աշխարհի ինտելիգենցիան իր փրկությունը տեսնում է ՍՍՌՄ-ի մեջ»։ «Սովետական Միության աշխատավորները, — գրում է Լյատոն Սինկլերը, — պետք է հիշեն, որ միլիոնավոր առաջավոր մարդիկ զոհվածով են վերաբերվում ֆաշիզմի բոլոր արտահայտություններին, նրանք ողջ սրտով ՍՍՌՄ-ի հետ են, որը անշեղորեն հակադրվում է ժամանակակից բարբարոսությանը»²։

Արևմուտքի ռեյուցիոն գեղեցիկ գրականությունը գերազանցապես ռոցիալական—քաղաքական է։

Արևմուտքի ռեյուցիոն գրողները ցնցող կերպով նկարագրում են ժողովրդի լավագույն զավակների տանջանքները ֆաշիստական բանտի ու դատարանի կողմից (Անդրե Մալլա—«Արհամարհանքի տարիներ», Վ. Բրեդել—«Փորձություն»)։ Այդ նկարագրություններում երևում է ֆաշիստ բարբարոսների ողջ ցինիզմն ու ոչ-մարդկային էությունը, որով և միաժամանակ մերկացվում է ֆաշիստական ավազակապետության աուրյան։ Սակայն բանտում չեն մեռնում տանջվողների հոգիները, ընդհակառակը, ավելի ամրանում և արիանում են, լցվելով վրեժխնդրությամբ ու ատելությամբ։ Բանտից ազատվողները չեն դադարեցնում պայքարը։ Նրանք, երկաթյա կամքի այդ տիտանները, ազատ կյանք դուրս գալուց հետո, ունենալով պայքարի նպատակի պարզ գիտակցությունը, ավելի են ծավալում պայքարը ֆաշիստական գազանաբարո կարգերի դեմ (Ա. Մալլա—«Արհամարհանքի տարիներ», Վ. Բրեդել—«Փորձություն»)։

Վիլի Բրեդելը իր «Գո անծանոթ եղբայրը» գործի վերջին մասում հերոսին կոչ է անում՝ «Նիդախ, Առնոլդ—ավելի խիզախ։ Դու պայքարում ես մեծ, ճշմարիտ գործի համար։ Դու ամենաբազմամարդ բանակի զինվորն ես, աշխարհում ամենահուժեղ, ազատության համար պայքարողների բանակի։ Այսպես ուրեմն, ավելի խիզախ, Առնոլդ»։

Հակաֆաշիստական արձակի հետ համահավասար զարգանում են գրական մյուս ժանրերը, հատկապես չափածո խոսքը—քաղաքական պոեզիան։ Արևմուտքի ռեյուցիոն գրողները շարունակելով Հայնեի, Շելլիի, Բերանտեի և չարտիստական պոեզիայի լավագույն տրագիցիաները, ավելի մարտունակ են դարձրել չափածո խոսքը։

Ինչպես արձակում, այնպես էլ չափածո խոսքի մեջ ռեյուցիոն բանաստեղծները նկարագրում են ֆաշիստների ռեգրեսը, նրանց կատարած ավերն ու թալանը, մանր ժողովուրդների նկատմամբ կատարած գազանությունները, ապա ժամանակավորապես պարտված, բայց չհնազանդված

¹ «Интернациональная литература» № 12, 1938 г.

² Նույնը։

ժողովրդական մասսաների հուզմունքն ու պայքարը մարդակեր ֆաշիզմի դեմ:

Գերմանացի նշանավոր գրող Հ. Բեխերը իր «Չապայ» բանաստեղծության մեջ զգուշացնում ու կոչ է անում ռազմական արդյունաբերություն-մեջ աշխատող բանվորներին թողնել աշխատանքը ու դուրս գալ ֆաշիզմի ու պատերազմի դեմ:

Դու դեռ բանում ես, բանվոր ընկեր,
Բայց չգիտես, թե
Ինչի՞ համար...
Բեռնում ես ծանր թնդանոթներ
Եվ ուղարկում ես
Բեռներով մահ—
Քո եղբայրներին դեպի Չապայ:

Բեխերը կոչ է անում Եվրոպայի ողջ պրոլետարիատին դուրս գալ եղբայրասպան պատերազմի դեմ — ֆաշիզմի կազմակերպած աշխարհավեր պատերազմի դեմ:

Բանվոր, ձգիր դու գործ, գործարան,
Ելիր ըմբոստ և ասած նրանց,
Ես չեմ սպանի ինքս ինձ,
Ես չեմ սպանի եղբայրներին:

Հ. Բեխերը իր մի հոդվածում հավատացնում է բանվորներին, որ ողջ առաջավոր մարդկությունը, բոլոր առաջավոր գրողները, գիտնականները աշխատավոր մասսայի հետ են, որ ոչ ոք չի խնայի իր կյանքը հանուն կարմիր ապագայի միվող պայքարի համար: «Բազմահազար բանվորներն աբդեն գիտեն,—գրում է Հ. Բեխերը,—որ մենք, ռեյուլցիոն գրողներս, պատկանում ենք իրենց, որ մենք մեր ստեղծագործությունները դարձրել ենք անհրաժեշտ զենքեր և զինանոց դասակարգային պայքարի համար: Մենք զինվորներ ենք, զինվորներ՝ մեծ, ինտերնացիոնալ կարմիր բանակի»¹:

* *

Գերմանական ֆաշիզմը, ինչպես Գերմանիայում, այնպես էլ հարևան երկրներում տարածելով սով, ավերածություն ու մահ, ոչնչացնելով սեփական երկրի կուլտուրան, իր արնոտ թաթն է մեկնել համաշխարհային կուլտուրայի հայրենիքի վրա, ողջ աշխարհի առաջավոր մարդկություն հայրենիքի վրա—գերմանական ֆաշիզմի կրնկի տակ հեծող բազմամիլիոն ժողովրդի հույս ու ապավեն երկրի՝ ՍՍՌՄ-ի վրա:

Իսկ ինչպես են տրամադրված Արևմուտքի մտքի ու գրչի մորդիկ ՍՍՌՄ-ի վրա ավազակային հարձակման այս վերջին ակտի նկատմամբ: Հակաֆաշիստ, ռեյուլցիոն բոլոր գրողների վերաբերմունքը ՍՍՌՄ-ի վրա հարձակում գործելու նկատմամբ, ինչպես միշտ, այժմ ևս «աչնպես է, ինչպես ռեյուլցիոնների ու կոմունիստի վերաբերմունքը» (Հ. Բարբյուս):

«Ամեն մի գրող,—գրում է գերմանացի ռեյուլցիոն աքսորական Բարտա-

¹ «Գրական թերթ» № 20, 1934:

Լասկը,— ում համար թանգ է մարդկային կուլտուրան, պետք է կանգնի բանվոր դասակարգի և ՍՍՌՄ-ի կողմը, պետք է գործադրի բոլոր ուժերն արթնացնելու ժողովրդական մասսաներին: Խոսքով ու գործով, գրչով ու ղենքով մինչև արյան վերջին կաթիլը դեպի ՍՍՌՄ-ի պաշտպանությունը»¹: Գերմանացի կի՛ն գրող Աննա Զեգերսը կուլտուրայի պաշտպանության միջազգային կոնգրեսում հայտնել է. «Եթե պատերազմ սկսվի ՍՍՌՄ-ի դեմ, ամեն մի օրինավոր մարդու պարտականությունը պարզ ու որոշակի է՝ կանգնել ՍՍՌՄ-ի կողմը և պաշտպանել նրան բոլոր ուժերով»²:

Այդպես և Արևմուտքի աշխատավոր ժողովուրդները, մտքի մշակներին հետ միասին, հակված են մեր կողմը: Այդ մասին վկայում են գերմանական մարդասպանների բանակը լքած ու մեր կողմն անցած օդաչուները, զինվորները: Արևմուտքի առաջավոր մարդկության ատելությունը իր ուժգնությունն է հասել վերջերս, երբ Հիտլերը խախտելով պետական, քաղաքական, միջազգային, մարդկային բոլոր օրենքները, ավազակային հարձակում է կազմակերպել ՍՍՌՄ-ի վրա: Այն գրողները, որոնք խոսքով ու գրչով էին պայքարում, այժմ գրիչը փոխարինել են ղենքով: Ռեուլեցիոն գրող Վիլլի Բրեդերը մի քանի տարի առաջ Համբուրգի բանվորների անունից ասել է. «Եթե ՍՍՌՄ-ի վրա հարձակում լինի, մենք չենք խնայի մեր արյան վերջին կաթիլը ՍՍՌՄ-ն պաշտպանելու համար». իսկ վերջերս սովետական գրողներին միտինգում արտասանած իր կրակոտ ճառում նույն Բրեդերը հայտնել է. «Սովետական Միությունը մինչև վերջին րոպեն պայքար է մղել խաղաղության համար: Հիտլերը լիտիաբար խախտեց պայմանագիրը: Սակայն երբեք նրան չի հաջողվի խախտել սովետական և գերմանական ժողովուրդների բարեկամությունը, այդ երկրների աշխատավորության բարեկամությունը: Հանձին Կարմիր Բանակի, գերմանական ֆաշիստական բանակը կհանդիպի այնպիսի մի ուժի, որը կոչնչացնի կապը կտրած ագրեսորներին: Իմ տեղը, սովետական գրողի փոխարեն, սոցիալիստական բանակի շարքերումն է»³:

Արևմտյան եվրոպայից բազմաթիվ հեռագրեր ու նամակներ են ստացվում առաջավոր գրողներից ու գիտնականներից, որոնք դատապարտելով ֆաշիստական ագրեսիան, անարգանքի սյուլենին են դաժնում աշխարհակալական զգացումներով հարբած Հիտլերին: Նրանք իրենց սերն ու վստահությունն են հայտնում մեր բանակի, մեր ուժի, հաղթանակի նկատմամբ: Գերմանացի տաղադիր, հռչակավոր ռեուլեցիոն գրող Լիոն Ֆոյխտմանգերը Ամերիկայի Միացյալ Նահանգներից ՏԱՍՍ-ի թղթակցին ուղղած իր մի նամակում գրում է. «Մենք զայրացած ենք ֆաշիստների կողմից սովետական ժողովրդի վրա կատարված հարձակումից: Մենք գիտենք, որ այդ հարձակման խելացնորությունն ավելի մեծ է, քան նրա նենգությունը: Խելագար ֆաշիստներն այժմ կռվի են հրավիրել այնպիսի հակառակորդների, որոնք նրանցից գերազանցում են իրենց թվով, համոզմունքներով և իրենց միասնությամբ: Այժմ ֆաշիստներին վերջ կտրվի (ընդգծումը մերն է. Ա. Ա.): Մեզ

¹ «Գրական թերթ» № 20, 1934.

² Նույնը:

³ «Սովետական Հայաստան» № 149, 1941 թ.

համար Ամերիկայում այդ պատերազմն ունի ուրախալի մի հետևանք ևս: Հիտլերի բարեկամները և Սովետական Միության թշնամիները փորձում էին ամերիկացիներին հավատացնել, թե սովետական քաղաքացիներն ըստ էության նույնպիսի մարդիկ են, ինչպես ֆաշիստները և հետապնդում են նույն նպատակները: Այժմ այդ տեսակ «ինֆորմացիա» տարածող անձանց զենքը խլված է նրանց ձեռքից: Ամերիկայում այնքան արագորեն չեն գործում, ինչպես այդ մասին մտածում են Մոսկվայում. բայց դրա փոխարեն այստեղ գործունակություն են ցուցաբերում: Եվ հենց որ նոր կարծիքն իր համար ճանապարհ կհարթի, նացիոնալ-սոցիալիստներին ոչնչացնելու համար կուղարկվի ավելի գործոն զենք, քան մինչև այժմ: Պարզ է, որ այս պատերազմը կատաղի կլինի և ծանր հետևանքներ կունենա, բայց մենք, որ ճանաչում ենք սովետական ժողովրդին, համոզված ենք, որ ուժեղ, իմաստուն առաջնորդի ղեկավարությամբ և անգլո-սաքսոնական երկու մեծ ժողովուրդների հետ դաշինք կնքած սովետական ժողովուրդը առ միշտ կոչնչացնի նացիոնալ-սոցիալիստներին»¹:

Իսկ ֆրանսիացի գրող Ժյուլ Ռոմենը ՏԱՄՍ-ի թղթակցին հայտարարել է իր պատրաստակամությունը դուրս գալու և մարտիկի պես կռվելու ֆաշիզմի դեմ. «Ներկայումս խոսքը վերաբերում է այն բանին, որ ըստ միասին դուրս գանք մարդկության թշնամու դեմ և ջախջախենք նրան...»:

Նման նամակներ են գրել և հայտարարություններ արել ամերիկյան գրող Դրայդերը, Ալբերտ Ռիս Վիլյամսը և ուրիշները:

Ֆաշիստական կլիկի այս հարձակումը միայն արագացրել է ֆաշիստների մահը: Անարդարացի այս պատերազմում կկործանվի ֆաշիզմը, որովհետև ֆաշիզմի կործանումը «ենթակա է ֆիզիկայի անվերանալի օրենքին— որքան ներքև է ընկնում ծանրությունը, այնքան արագ է ընկնում նա» (Գորկի): Պատմության կողմից մահվան դատապարտված ռեակցիոն ֆաշիզմը կջախջախվի Լենինի—Ստալինի ձեռքով շարժվող լոկոմոտիվի անխնայների տակ: Կխորտակվի իմպերիալիզմի վերջին վիժվածք ֆաշիզմը, և ողջ աշխարհում կծածանվի ազատությունից զրոշը:

¹ «Սովետական Հայաստան» № 154, 1941 թ.: